

Acta da Xunta de Goberno correspondente ó día 15 de novembro de 2013

No Pazo da Deputación Provincial de Ourense, o quince de novembro do ano dous mil trece, ás trece horas, reúnese a Xunta de Goberno da Deputación baixo a presidencia de don José Manuel Baltar Blanco, presidente da mencionada Deputación -que como tal é da Xunta-, cos deputados don Rosendo Luis Fernández Fernández, don Plácido Álvarez Dobaño, don José Antonio Feijóo Alonso, don Emilio José Pazos Ojea, don Francisco Rodríguez Rodríguez, don José Manuel Freire Couto e don Eladio Mangana Nóvoa os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Non asiste á sesión o deputado provincial don Antonio Montero Fernández.

Asiste a interventora, dona Mónica Legaspi Díaz, e dá fe do acto, o secretario xeral, don Francisco Cacharro Gosende.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR, DO DÍA 8 DE NOVIEMBRE DE 2013.- Unha vez examinada a acta da sesión que tivo lugar o día oito de novembro de dous mil trece, a **Xunta de Goberno** da Deputación **acordou**, por unanimidade, a súa aprobación, sen observacións:

2.- BASES REGULADORAS DA CONVOCATORIA DE CONCURSO PARA A CONCESIÓN DE SUBVENCIONS A DEPORTISTAS CUALIFICADOS EN MODALIDADES DEPORTIVAS INDIVIDUAIS CORRESPONDENTE AO EXERCICIO 2013.- Unha vez vistas as bases da convocatoria de concurso público para a concesión de subvencións a deportistas cualificados en modalidades deportivas individuais correspondente ao exercicio 2013, e de conformidade coa proposta favorable da Presidencia, a **Xunta de Goberno**, por unanimidade, **adopta** o seguinte **acordo**:

1º.- Aprobar as referidas bases, consonte coas seguintes cláusulas:

Primeira.- Obxecto:

O obxecto das presentes bases é a regulación da tramitación e concesión, por parte da Deputación Provincial de Ourense, mediante convocatoria pública e a través do procedemento de concorrencia competitiva, de subvencións a deportistas ourensáns cualificados en modalidades deportivas individuais, coa finalidade de fomentar a práctica deportiva e incentivar aos deportistas ourensáns cualificados mediante o recoñecemento da súa traxectoria e rendemento deportivo.

Acta da Xunta de Goberno correspondente ó día 15 de novembro de 2013

Segunda.- Beneficiarios:

Poderán ser beneficiarios das subvencións obxecto das presentes bases as persoas físicas que sexan deportistas federados, de categorías de base ata absoluta, e exclusivamente de modalidades deportivas individuais (excluíndose, por tanto, os practicantes de deportes de equipo) de nacionalidade española ou residentes legais en España, que cumpran algún dos seguintes requisitos:

a) Que posúiran ficha federativa por algún club deportivo da provincia de Ourense durante a temporada 2012-2013.

b) Aqueles deportistas que non posúan licenza federativa por ningún club ourensán na temporada 2012-2013 pero, malia o anterior, se manteñan vinculados ao deporte ourensán, sempre que exista unha causa xustificativa do feito de que non dispoñan de licenza federativa nun club ourensán, como a inexistencia de clubs ourensáns desa disciplina ou especialidade deportiva, a inadecuación destes clubs para o seu nivel de rendemento deportivo ou a necesidade de residir fóra de Ourense por motivos familiares, laborais ou académicos, ou calquera outra causa que xustifique a dita circunstancia.

Terceira.- Disponibilidades orzamentarias:

O financiamento das subvencións reguladas na presente convocatoria realizarase con cargo á aplicación 34111 / 48200 dos orzamentos da Deputación Provincial de Ourense para o exercicio 2014, tramitándose con carácter anticipado a convocatoria ao abeiro do disposto no artigo 56.1 do Real decreto 887/2006, do 21 de xullo, polo que se aprobou o Regulamento da Lei xeral de subvencións. Para estes efectos, serán de aplicación á presente convocatoria as seguintes regras especiais:

1ª) A presente convocatoria queda condicionada á existencia de crédito adecuado e suficiente nos orzamentos da Deputación Provincial para o exercicio 2014, tendo carácter puramente estimativo a contía total máxima prevista nas presentes bases.

2ª) A contía total máxima estimada é de 25.000,00 €.

3ª) No expediente de gasto que se tramite a certificación de existencia de crédito substituirase por unha certificación relativa á concorrencia dalgunha das circunstancias previstas no artigo 56.1 do RD 887/2006.

4ª) Os efectos de todos os actos de trámite ditados no expediente de gasto

Acta da Xunta de Goberno correspondente ó día 15 de novembro de 2013

entenderanse condicionados a que, ao ditarse a resolución de concesión, subsistan as mesmas circunstancias de feito e de dereito existentes no momento en que se produciron eses actos.

5ª) A resolución de concesión deberá ditarse no exercicio 2014, unha vez aprobado definitivamente e publicado na forma legalmente prevista o orzamento da Deputación Provincial para o dito exercicio.

Cuarta.- Contía máxima das subvencións:

As subvencións terán unha contía máxima de 3.000,00 euros e poderán concederse subvencións de diferente contía, en función dos méritos e categoría dos deportistas solicitantes.

Quinta.- Solicitudes: lugar, prazo de presentación e documentación:

1. As solicitudes, subscritas polo interesado ou polo seu representante legal, irán dirixidas á Presidencia da Deputación Provincial de Ourense, mediante a presentación no rexistro xeral desta entidade ou a través de calquera outro medio dos previstos no artigo 38.4 da Lei do réxime xurídico das administracións públicas e do procedemento administrativo común.
2. O prazo improrrogable de presentación será dun mes, contado a partir do día seguinte ao da publicación das presentes bases no Boletín Oficial da Provincia.
3. As solicitudes deberán formularse achegando a seguinte documentación:

a) Documentación administrativa:

- 1.- Solicitud dirixida á Presidencia da Deputación no modelo oficial, recollido no anexo I das presentes bases.

No caso de que a solicitude sexa presentada a través de representante, deberá achegarse autorización escrita do interesado, autorizando ao dito representante para solicitar a subvención ou axuda. Non será precisa esta autorización no caso de solicitudes de menores de idade subscritas polo pai, nai ou titor legal.

- 2.- Copia cotexada do DNI ou equivalente do interesado. Se é o caso, deberá presentarse, ademais, o DNI ou equivalente do seu representante legal, pai, nai ou titor, se fosen estes últimos os que presentasen a solicitude.

- 3.- Certificado médico que acredite a lesión que padece o deportista, para

Acta da Xunta de Goberno correspondente ó día 15 de novembro de 2013

aqueles peticionarios que non presentaran resultados deportivos nos meses anteriores ao final do prazo de presentación das solicitudes.

4.- Declaración responsable comprensiva do feito de non atoparse incurso o solicitante nas prohibicións recollidas no artigo 13 da Lei xeral de subvencións, incluíndo unha referencia expresa á circunstancia de estar ao día nas súas obrigas tributarias e de Seguridade Social. Para a formulación desta declaración poderá utilizarse o modelo recollido no anexo II das presentes bases.

A declaración poderá ir subscrita polo solicitante ou polo seu representante legal, pai, nai ou titor.

5.- Declaración do solicitante da subvención na que figure o conxunto de subvencións e axudas solicitadas para o mesmo fin, tanto as aprobadas ou concedidas, como as pendentes, sexan públicas ou privadas, segundo o modelo anexo III . A declaración poderá ir subscrita polo solicitante ou polo seu representante legal, pai, nai ou titor.

6.- Autorización para recibir a través de correo electrónico e/ou sms a comunicación, de ser o caso, de aviso do inicio do prazo de emenda de deficiencias materiais na documentación administrativa presentada así como do aviso da publicación do acordo de resolución do concurso, segundo o modelo anexo IV.

A presentación do documento sinalado no apartado 6 non é obrigatoria, senón voluntaria, pero, en caso de non presentarse, a Deputación non efectuará ningunha comunicación individual ao interesado relativa á emenda de deficiencias na solicitude e ao acordo de resolución do concurso, publicitándose a información correspondente exclusivamente a través da páxina web e no taboleiro de anuncios da Deputación, conforme co sinalado na base 7ª.

b) Documentación para a valoración da solicitude:

1.- Méritos deportivos recollidos no anexo V. Cada folla do mencionado anexo deberá vir certificada pola Secretaría da Federación correspondente acreditando que os méritos deportivos alegados son certos. Ademais, e con carácter informativo, o solicitante poderá incorporar toda aquela documentación que enriqueza o seu expediente tales como recortes de prensa, dossier persoal, páxinas web, fotos, etcétera.

Acta da Xunta de Goberno correspondente ó día 15 de novembro de 2013

2.- Os solicitantes incluídos na letra a), da base segunda, deberán achegar copia cotexada da licenza do club deportivo da provincia de Ourense ao que pertenzan.

3.- Os solicitantes incluídos na letra b), da base segunda, por inexistencia de clubs ourensáns da súa disciplina ou especialidade deportiva, deberán achegar certificación emitida polo órgano correspondente da federación competente, acreditativa desta circunstancia. Presentarán así mesmo copia cotexada da licenza federativa do club ao que pertenzan.

4. Os solicitantes incluídos na letra b) da base segunda por causas diferentes á sinalada no parágrafo anterior, deberán achegar declaración xustificativa responsable onde conste a causa xustificativa de que non posúen licenza federativa nun club ourensán. Presentarán, ademais, copia cotexada da licenza federativa do club ao que pertenzan.

En todo caso, nos supostos a que se refire este apartado 4, a Deputación Provincial, durante a instrución do expediente, poderá requirirles aos solicitantes a presentación de documentación adicional que motivadamente se estime necesaria para unha correcta acreditación da circunstancia xustificativa de que se trate, concedéndolle ao interesado un prazo de dez días hábiles para tal efecto.

Dada a natureza competitiva do procedemento de concesión de subvencións, e sen prexuízo da posibilidade de requirir documentación complementaria no suposto sinalado no apartado 3.b).4 da presente base, a documentación valorable non será obxecto do trámite de emenda de deficiencias, que só lle será de aplicación á documentación administrativa.

Sexta.- Procedemento de concesión:

O procedemento de concesión será o de concorrencia competitiva.

Unha vez rematado o prazo de presentación de solicitudes, estas remitiráselle ao Negociado de Concursos da Sección de Subvencións, para a instrución do expediente e comprobación da corrección da documentación administrativa achegada. Dado o carácter competitivo do procedemento, advírtese expresamente que en ningún caso se concederá

Acta da Xunta de Goberno correspondente ó día 15 de novembro de 2013

prazo para a mellora da documentación valorable, sen prexuízo da posibilidade de requirir documentación complementaria no suposto sinalado no apartado 3.b).4 da presente base.

Examinada a documentación, a Presidencia concederá un prazo de ata dez días hábiles para a emenda de deficiencias materiais na documentación administrativa presentada.

Ao abeiro do disposto no artigo 59.6.b) da Lei de réxime xurídico das administracións públicas e procedemento administrativo común, o requirimento para emendar as ditas deficiencias materiais realizarase exclusivamente a través da súa publicación na páxina web <http://www.depourense.es>, enlace Sección de Subvencións, enlace Negociado de Concursos, acceso a concursos, concurso para a concesión de subvencións a deportistas cualificados en modalidades deportivas individuais para o ano 2013. No caso de non presentar a autorización para realizar as comunicacións previstas na base 5ª apartado 3 a) punto 6, non se realizará ningún tipo de comunicación persoal, notificándose unicamente e en todo caso, na antedita páxina web.

Para a achega desta documentación, poderá utilizarse como escrito de remisión o modelo recollido no anexo VI destas bases.

Unha vez transcorrido o prazo de emenda de deficiencias, e unha vez instruído o expediente pola Sección de Subvencións, este pasará á Comisión de Valoración, que procederá a formular a proposta de resolución conforme coas regras seguintes:

- a) Con respecto aos peticionarios que non achegasen de modo completo e no prazo establecido a documentación administrativa, formularase proposta de inadmisión a trámite das súas solicitudes.
- b) Con respecto ao resto dos peticionarios, proporase a súa admisión a trámite, procedendo a formular proposta de valoración das solicitudes conforme cos criterios recollidos na base novena.

Sétima.-Comisión de valoración:

A comisión de valoración estará integrada polos seguintes técnicos e expertos de recoñecida competencia na actividade física e o deporte:

Presidente: Javier Martínez de Anta, xefe do Servizo de Investimentos, Subvencións e Patrimonio da Deputación Provincial de Ourense.

Acta da Xunta de Goberno correspondente ó día 15 de novembro de 2013

Vogais:

- María Luisa Acevedo Rego, licenciada en ciencias da actividade física e o deporte.
- José Mario Guede Fernández, profesor de educación física.
- Nivardo Pérez Paredes, profesor de educación física.
- María del Pino Díaz Pereira, psicóloga deportiva.
- José Manuel Pérez Otero, técnico deportivo municipal.
- Pablo Fernández Valencia, licenciado en ciencias da actividade física e o deporte.

Figurarán, ademais, como vogais da Comisión, o xefe do Servizo de Intervención da Deputación Provincial e a xefa da Sección de Subvencións.

Actuará como secretario da comisión o xefe do Servizo de Deportes.

Os membros da comisións estarán suxeitos ás cláusulas de abstención e recusación previstas no artigo 28 da Lei 30/92, de réxime xurídico das administracións públicas e do procedemento administrativo común.

Oitava.- Criterios para a concesión de subvencións:

Para a concesión das subvencións, así como para a fixación da súa contía, a comisión de valoración terá en conta os seguintes criterios:

1. Ter sido beneficiario destas subvencións durante o pasado ou pasados exercicios, pola continuidade que deben ter estas axudas.
2. Ter participado en campionatos galegos federados e, se fose o caso, a súa posición no ranking autonómico oficial.
3. Ter participado en campionatos de España federados e, se fose o caso, a súa posición no ranking nacional oficial.
4. Ter participado en campionatos de Europa federados e, se fose o caso, a súa posición no ranking europeo oficial.
5. Ter participado en campionatos do mundo federados e, se fose o caso, a súa posición no ranking mundial oficial.
6. Ter participado en xogos olímpicos.
7. Ter sido seleccionado coa Selección Galega para probas oficiais.
8. Ter sido seleccionado coa Selección Española para probas oficiais.
9. Ter participado noutras competicións relevantes como Campionatos de España Universitarios, Universiadas, Xogos Mediterráneos, etc.

Acta da Xunta de Goberno correspondente ó día 15 de novembro de 2013

10. Ter a consideración durante a presente temporada de “deportista galego de alto nivel, deportista nacional de alto nivel ou deportista nacional de alto rendemento”.
11. A traxectoria do deportista nas últimas tempadas que permita coñecer a progresión deportiva do solicitante.
12. Posuír outras especiais circunstancias deportivas, razoando de xeito motivado en que consisten.

Os criterios referenciados anteriormente valoraranse conxuntamente para cada deportista, adxudicándose as puntuacións que se indican do xeito baremado que se sinala a continuación

- a) Ter sido beneficiario destas axudas en edicións anteriores
 - 4 puntos cada vez que estivo incluído no grupo primeiro.
 - 3 puntos cada vez que estivo incluído no grupo segundo.
 - 2 puntos cada vez que estivo incluído no grupo terceiro.
 - 1 punto cada vez que estivo incluído no grupo de axudas extraordinarias.
- b) **Participación en campionatos, outras competicións relevantes e en rexistros de deportistas.**

Este apartado avaliará:

- b.1 .- Os resultados obtidos polo deportista nas diferentes competicións ou a súa posición no “ranking” oficial. (Puntuarase o mellor dos dous datos, é dicir, ou o resultado na competición ou a posición no ranking correspondente).
- b.2.- A súa inclusión nas seleccións oficiais correspondentes.
- b.3.- A súa inclusión nos rexistros oficiais de deportistas autonómicos e estatais.

Asignaranse as puntuacións de xeito ponderado, ata os máximos indicados en cada caso:

- Campionato Galego ou posición no ranking.
 Disciplinas olímpicas: Senior (ata 30 p.) Junior (ata 20 p.) Base (ata 10 p.)
 Disciplinas non olímpicas: Senior (ata 20 p.) Junior (ata 10 p.) Base (ata 5 p.)
- Campionato España ou posición no ranking.
 Disciplinas olímpicas: Senior (ata 60 p.) Junior (ata 40 p.) Base (ata 20 p.)
 Disciplinas non olímpicas: Senior (ata 30 p.) Junior (ata 20 p.) Base (ata 10 p.)
- Campionato Europa ou posición no ranking.

Acta da Xunta de Goberno correspondente ó día 15 de novembro de 2013

- Disciplinas olímpicas: Senior (ata 100 p.) Junior (ata 60 p.) Base (ata 30 p.)
- Disciplinas non olímpicas: Senior (ata 60 p.) Junior (ata 40 p.) Base (ata 20 p.)
- Campionato Mundo ou posición no ranking.
 - Disciplinas olímpicas: Senior (ata 200 p.) Junior (ata 100 p.)
 - Disciplinas non olímpicas: Senior (ata 100 p.) Junior (ata 60 p.)
- Xogos Olímpicos
 - Disciplinas olímpicas: Ata 500 p.
- Outras competicións relevantes.
 - Disciplinas olímpicas: Senior (ata 45 p.) Junior (ata 35 p.) Base (ata 25 p.)
 - Disciplinas non olímpicas: Senior (ata 30 p.) Junior (ata 20 p.) Base (ata 1 p.)
- Selección Galega
 - Disciplinas olímpicas: Senior (ata 30 p.) Junior (ata 20 p.) Base (ata 10 p.)
 - Disciplinas non olímpicas: Senior (ata 20 p.) Junior (ata 10 p.) Base (ata 5 p.)
- Selección Española
 - Disciplinas olímpicas: Senior (ata 60 p.) Junior (ata 40 p.) Base (ata 20 p.)
 - Disciplinas non olímpicas: Senior (ata 30 p.) Junior (ata 20 p.) Base (ata 1 p.)
- Inclusión en rexistros oficiais de deportistas
 - Deportista galego de alto nivel: Ata 300 p.
 - Deportista nacional de alto nivel: Ata 300
 - Deportista nacional de alto rendemento: Ata 150 puntos.

c) Traxectoria do deportista

Este apartado avaliará a traxectoria do deportista nas últimas catro temporadas. As puntuacións asignaranse en atención aos seguintes criterios e de xeito ponderado ata as puntuacións máximas indicadas:

Por manter as súas posicións en ranking ou clasificacións en campionatos oficiais:
Ata 50 puntos

- Por constatare ascensos razoables: Ata 75 puntos.
- Por constatare ascensos notables: Ata 100 puntos

d) Outras especiais circunstancias deportivas

Acta da Xunta de Goberno correspondente ó día 15 de novembro de 2013

Neste apartado a comisión avaliadora terá a oportunidade de puntuar de xeito razoado, e ata un máximo de 40 puntos, aquelas especiais circunstancias deportivas que teñan difícil encaixe nos apartados anteriores.

Unha vez coñecida a puntuación final, a comisión de valoración, en atención ao número de solicitudes presentadas, poderá establecer a necesidade de obter unha puntuación mínima para a concesión de subvencións.

Tamén poderá establecer, motivadamente, unha clasificación en grupos, en atención á importancia e categoría dos deportistas baremados, para os efectos de determinar as contías das subvencións, asignando unha contía fixa por grupo.

Novena.- Resolución:

A proposta da Comisión de Valoración elevaráselle á Xunta de Goberno da Deputación, para a súa resolución. O acordo de resolución deberá adoptarse no exercicio 2014, unha vez aprobado definitivamente e publicado en forma legal o orzamento da Deputación para ese exercicio. Tendo en conta esta condición, o prazo máximo de resolución será de catro meses desde o remate do prazo de corrección de deficiencias documentais, de ser o caso, ou desde o remate do prazo de presentación de instancias.

A falta de resolución expresa no dito prazo terá o efecto dun acto presunto desestimativo.

A resolución axustarase á proposta da Comisión de Valoración, agás naqueles supostos en que a Xunta de Goberno considere que a dita proposta incorre en infracción do disposto nas presentes bases ou na lexislación aplicable, en cuxo caso solicitaralle á comisión, tras os informes previos que considere oportunos, a formulación dunha nova proposta axustada ás bases e á normativa de aplicación. A comisión deberá formular esta nova proposta no prazo de quince días. En caso de non facelo así, a Xunta de Goberno resolverá conforme coa proposta inicial, introducindo as modificacións precisas para garantir o cumprimento do establecido nas bases e na lexislación vixente.

As axudas entenderanse aceptadas, agás que os beneficiarios comuniquen expresamente o seu rexeitamento no prazo de quince días desde o día seguinte ao da publicación do acordo de resolución no Boletín Oficial da Provincia (BOP).

No suposto de que existisen solicitantes que, cumprindo cos requisitos establecidos nas presentes bases, non puidesen obter subvención debido ao esgotamento do crédito dispoñible

Acta da Xunta de Goberno correspondente ó día 15 de novembro de 2013

coa concesión das subvencións ás solicitudes que obtivesen maior puntuación, a resolución conterá unha relación ordenada destas solicitudes, para os efectos previstos no artigo 63.3 do Regulamento da Lei xeral de subvencións. Na súa virtude, e en caso de producirse remanentes pola renuncia ou perda do dereito ás subvencións por parte dalgún beneficiario, a Xunta de Goberno, sen necesidade de proceder a unha nova convocatoria, poderá acordar a concesión da subvención que proceda ao seguinte ou seguintes solicitantes, por orde de puntuación.

Décima.- Publicidade do acordo de concesión:

Ao abeiro do disposto no artigo 59.6.b) da Lei de réxime xurídico das administracións públicas e procedemento administrativo común, a resolución do procedemento non será obxecto de notificación individualizada para os afectados, senón que se publicará no Boletín Oficial da Provincia e na páxina web <http://www.depourense.es>, enlace Sección de Subvencións, enlace Negociado de Concursos, acceso a concursos, concurso para a concesión de subvencións a deportistas cualificados en modalidades deportivas individuais para o ano 2013.

Sen prexuízo do anterior, aos solicitantes que presenten a autorización para realizar as comunicacións previstas na base 5ª apartado 3a) punto 6, realizaráselles unha comunicación persoal por sms ou correo electrónico, advertindo da publicación da resolución na páxina web <http://www.depourense.es>. No caso de que non presenten a dita autorización, non se realizará ningún tipo de comunicación persoal.

Undécima: Xustificación e pago da subvención:

Consideraranse xustificadas coa achega da certificación acreditativa dos méritos deportivos alegados, requirida na documentación para a valoración da solicitude, na base quinta, apartado b) 1.

Sen prexuízo do anterior, a Intervención da Deputación poderá realizar as oportunas funcións de inspección e control financeiro, de conformidade co establecido na Lei xeral de subvencións.

O pago das subvencións realizarase mediante a entrega do correspondente talón nominativo por parte do presidente da Deputación Provincial de Ourense, nun acto público, cuxo lugar e data de realización se lles comunicarán oportunamente aos beneficiarios.

Acta da Xunta de Goberno correspondente ó día 15 de novembro de 2013

Décimo segunda.- Obrigas dos beneficiarios:

Con carácter xeral, os beneficiarios asumirán todas as obrigas impostas pola Lei xeral de subvencións. En particular, quedan suxeitos ás obrigas de control financeiro e reintegro nos casos previstos na dita lei.

Décimo terceira.- Compatibilidade con outras axudas ou subvencións públicas ou privadas:

1. As subvencións concedidas ao abeiro da presente convocatoria son compatibles:
 - a) Con calquera outra axuda ou patrocinio privado que poidan recibir os deportistas
 - b) Con calquera subvención pública que teña unha finalidade diferente, sen prexuízo do establecido no apartado 2.
 - c) Con subvencións públicas para a mesma finalidade, sempre que sexan concedidas por administracións distintas da propia Deputación de Ourense ou dos seus organismos autónomos.

2. Sen prexuízo do anterior, ningún deportista individual poderá recibir da Deputación Provincial de Ourense ou do Inorde subvencións durante o exercicio 2013 que, en conxunto, sumen un importe superior a 3.000 euros, polo que, se é o caso, na resolución da presente convocatoria se axustará o importe concedido das subvencións que correspondesen para que non se exceda o dito límite.

No suposto de que as subvencións xa concedidas pola Deputación ou do Inorde tivesen un importe igual ou superior a 3.000 euros, non procederá a concesión de subvención ao abeiro da presente convocatoria, sen prexuízo de que a resolución do concurso poida proceder a un recoñecemento formal do mérito deportivo do solicitante.

Décimo cuarta.- Reintegro ou perda do dereito ao cobro das subvencións:

En caso de incumprimento do beneficiario por algunha das causas previstas no artigo 37 da Lei xeral de subvencións, procederase á tramitación dun expediente de reintegro, ou, se é o caso, de perda do dereito á subvención concedida. A obriga de reintegro ou a perda do dereito poderá ser total ou parcial, en función da gravidade do incumprimento do beneficiario, graduándose de acordo co principio de proporcionalidade. En todo caso, o reintegro incluírá sempre e como mínimo os importes cuxo gasto non se xustificase en prazo.

Acta da Xunta de Goberno correspondente ó día 15 de novembro de 2013

Unha vez tramitado o expediente de reintegro ou perda do dereito á subvención, concederáselle ao interesado un prazo de quince días hábiles para que poida comparecer no expediente, tomar audiencia e, á vista deste, propor as probas e realizar as alegacións que teña por conveniente. Concluídas estas actuacións e emitidos os informes oportunos, ditarase a resolución que corresponda pola Xunta de Goberno.

Décimo quinta.- Normativa supletoria:

En todo o non disposto nestas bases seralle de aplicación á presente convocatoria e ás subvencións que se concedan ao seu abeiro o disposto na normativa de subvencións aplicable á administración local, así como na lexislación vixente en materia de réxime xurídico das administracións públicas e procedemento administrativo común.

2º.- Aprobar a convocatoria das subvencións reguladas nas devanditas bases, ordenando a inserción do correspondente anuncio no BOP, e acordar a aprobación do gasto correspondente.

ANEXO I

SOLICITUDE PARA A CONCESIÓN DE SUBVENCIONES A DEPORTISTAS OURENSÁNS
CUALIFICADOS EN MODALIDADES DEPORTIVAS INDIVIDUAIS 2013

DATOS DO / A DEPORTISTA SOLICITANTE

NOME E APELIDOS		DNI	
LUGAR DE NACEMENTO		DATA DE NACEMENTO	
ENDEREZO		COD. POSTAL POBOACIÓN	
TELEF. MOBIL		TELEF. FIXO	
E-MAIL			
FEDERACIÓN		CLUB AO QUE PERTENCE	
DEPORTIVA PRACTICADA		MODALIDADE	

DATOS DO / A REPRESENTANTE

NOME E APELIDOS		DNI	
ENDEREZO		COD. POSTAL POBOACIÓN	
TELEF. MOBIL		TELEF. FIXO	
E-MAIL			

Acta da Xunta de Goberno correspondente ó día 15 de novembro de 2013

Ourense, ____ de _____ de ____.

Sinatura do/ a solicitante ou do seu representante

<u>SOLICITO:</u> A concesión dunha		
- Que cumpro todos os requisitos esixidos nesta convocatoria de subvencións para o ano 2013. - Que asumo todos os compromisos reflectidos na devandita convocatoria - Que achego a documentación esixida nesta.		

SR. PRESIDENTE DA DEPUTACIÓN PROVINCIAL DE OURENSE

00oo00

ANEXO II

DECLARACIÓN DEPORTISTAS OURENSÁNS CUALIFICADOS EN MODALIDADES DEPORTIVAS
INDIVIDUAIS 2013

DON / DONA	DNI

E para que conste, para os efectos previstos no artigo 13 da Lei 38/2003, do 17 de novembro, xeral de

<u>DECLARO:</u> - Non atoparme incurso en ningún dos supostos de incompatibilidade aos que se refire o artigo 13.2 d) da Lei xeral de subvencións. - Non atoparme incurso en ningunha das prohibicións de obtención de subvencións da Deputación Provincial de Ourense ás que se refire o artigo 13 da Lei xeral de subvencións. - Acharme ao día nas obrigas tributarias coa Facenda Estatal e Autonómica e coa Seguridade Social.

subvencións, asino a presente declaración en Ourense, o ____ de _____ de ____.

Sinatura do/ a solicitante ou do seu representante

Acta da Xunta de Goberno correspondente ó día 15 de novembro de 2013

ANEXO III

**DECLARACIÓN DEPORTISTAS OURENSÁNS CUALIFICADOS EN MODALIDADES
DEPORTIVAS INDIVIDUAIS 2013**

DON / DONA	DNI

DECLARO: *(marcar cun x).

☐ Non ter solicitada nin, en consecuencia, ter concedida, ningunha axuda para o mesmo fin, sexa públicas ou privadas.

☐ Que presentou a/as solicitude/s e que lle foi/foron concedida/s, se é o caso, a/s seguinte/s axuda/s para o mesmo fin:

Organismo ou entidade ao que solicita	Data solicitude	Concesión*	Contía

* No caso de solicitudes denegadas, farase constar "denegada".
de estar pendente a resolución dalgunha solicitude, indicárase "pendente" na columna.

No caso

Ourense, ____ de _____ de ____.

Sinatura do/ a solicitante ou do seu representante

00oo00

ANEXO IV

AUTORIZACIÓN

DON / DONA	DNI

Acta da Xunta de Goberno correspondente ó día 15 de novembro de 2013

AUTORIZO:

Á Deputación Provincial de Ourense a facerme as comunicacións para recibir a través do enderezo electrónico e/ou sms, indicados na solicitude, a comunicación, de ser o caso, de aviso do inicio do prazo de emenda de deficiencias materiais na documentación administrativa presentada, así como do aviso da publicación do acordo de resolución do concurso para a solicitude de subvencións a deportistas ourensáns cualificados en modalidades deportivas individuais para o ano 2013.

Ourense, ____ de _____ de ____.

Sinatura do/ a solicitante,

00oo00

ANEXO V

MÉRITOS DEPORTIVOS

HISTÓRICO DAS AXUDAS CONCEDIDAS AO DEPORTISTA SOLICITANTE

ANO CONVOCATORIA	GRUPO	ANO CONVOCATORIA	GRUPO	ANO CONVOCATORIA	GRUPO
2012		2007		2002	
2011		2006		2001	
2010		2005		2000	
2009		2004		1999	
2008		2003		1998	

Outras convocatorias: ano/grupo: _____

PARTICIPACIÓN EN CAMPIONATOS FEDERADOS OFICIAIS

(setembro 2012 / setembro 2013)

Acta da Xunta de Goberno correspondente ó día 15 de novembro de 2013

CERTIFICADO DA FEDERACIÓN GALEGA

DON/ DONA	DNI
C OMO SECRETARIO / A DA FEDERACIÓN GALEGA DE:	
CERTIFICO QUE SEGUNDO OS DATOS OBRANTES NESTE ORGANISMO, SON CERTOS os seguintes resultados deportivos reflectidos nesta folla, e referidos ao/ á deportista:	
NOME E APELIDOS	DNI

CAMPIONATOS GALEGOS

Data	Competición	Lugar	Categoría Senior-Junior Xuvenil - etc	Clasificación Individual (1)	Marca (se procede)

CAMPIONATOS DE ESPAÑA

Data	Competición	Lugar	Categoría Senior-Junior Xuvenil - etc	Clasificación Individual (1)	Marca (se procede)

(1) Soamente os resultados individuais. Non se considerarán os obtidos en probas con outros deportistas.

_____, ____ de _____ de ____.

Sinatura do/ a Secretario/a,

Selo da Federación Galega,

Acta da Xunta de Goberno correspondente ó día 15 de novembro de 2013

ANEXO V (Continuación)

CERTIFICADO DA FEDERACIÓN GALEGA

DON/ DONA	DNI
COMO SECRETARIO / A DA FEDERACIÓN GALEGA DE:	
CERTIFICO QUE SEGUNDO OS DATOS OBRANTES NESTE ORGANISMO, SON CERTOS os seguintes resultados deportivos reflectidos nesta folla, e referidos ao/ á deportista:	
NOME E APELIDOS	DNI

PARTICIPACIÓN EN CAMPIONATOS FEDERADOS OFICIAIS

(setembro 2012 / setembro 2013)

CAMPIONATO DE EUROPA

Data	Competición	Lugar	Categoría Senior-Junior Xuvenil - etc	Clasificación Individual (1)	Marca (se procede)

CAMPIONATO DO MUNDO

Data	Competición	Lugar	Categoría Senior-Junior Xuvenil - etc	Clasificación Individual (1)	Marca (se procede)

PARTIPACIÓN EN XOGOS OLÍMPICOS

Data	PROBAS NAS QUE PARTICIPOU	Clasificación Individual (1)
XXXXXX	NON PROCEDE, POR NON SER ANO OLÍMPICO	XXXXXXXXXX

000000

ANEXO V (Continuación)

OUTRAS COMPETICIÓNS RELEVANTES (Xogos Mediterraneos, Universiadas,
Copas do Mundo, Torneos internacionais, etc.)

Acta da Xunta de Goberno correspondente ó día 15 de novembro de 2013

Data	Competición	Lugar	Categoría Senior-Junior Xuvenil - etc	Clasificación Individual (1)	Marca (se procede)

(1) Soamente os resultados individuais. Non se considerarán os obtidos en probas con outros deportistas.

_____, ____ de _____ de ____.

Sinatura do/ a Secretario/a,

Selo da Federación Galega,

00oo00

ANEXO V (Continuación)

CERTIFICADO DA FEDERACIÓN GALEGA

DON/ DONA	DNI
COMO SECRETARIO / A DA FEDERACIÓN GALEGA DE:	
CERTIFICO QUE SEGUNDO OS DATOS OBRANTES NESTE ORGANISMO, SON CERTOS os seguintes resultados deportivos ou datos reflectidos nesta folla, e referidos ao/ á deportista:	
NOME E APELIDOS	DNI

OUTROS MÉRITOS

(setembro 2012 / setembro 2013)

PARTICIPACIÓN COAS SELECCIÓN

Selección Galega ou Española	Competición ou actividade	Lugar	Categoría Senior-Junior Xuvenil - etc	Data
Selección				
Selección				
Selección				
Selección				
Selección				

Acta da Xunta de Goberno correspondente ó día 15 de novembro de 2013

INCLUSIÓN EN REXISTROS OFICIAIS DE DEPORTISTAS

	Data de inclusión	Data de finalización	Grupo (se procede)
DGAN (Xunta)			
DNAR (CSD)			
DNAN (CSD)			

_____, ____ de _____ de ____.

Sinatura do/ a Secretario/a,

Selo da Federación Galega,

00oo00

ANEXO V (Continuación)

CERTIFICADO DA FEDERACIÓN GALEGA

DON/ DONA	DNI
COMO SECRETARIO / A DA FEDERACIÓN GALEGA DE:	
CERTIFICO QUE SEGUNDO OS DATOS OBRANTES NESTE ORGANISMO, SON CERTOS os seguintes resultados deportivos ou datos reflectidos nesta folla, e referidos ao/ á deportista:	
NOME E APELIDOS	DNI

OUTROS MÉRITOS

AVALIACIÓN DA TRAXECTORIA DO DEPORTISTA

POSTOS NO RANKING DO SEU DEPORTE 2010/11/12/13.

	2010		2011		2012		2013	
	Posto	Categ.	Posto	Categ.	Posto	Categ.	Posto	Categ.
Autonómico								
Nacional								
Europeo								
Mundial								

Acta da Xunta de Goberno correspondente ó día 15 de novembro de 2013

(INCLUÍR OS DOUS PRINCIPAIS ÉXITOS DEPORTIVOS

POR ANO , NAS ANUALIDADES QUE SE INDICAN

Competición	Clasif.	Marca	Categoría Senior-Junior Xuvenil - etc.	Data
				2013
				2013
				2012
				2012
				2011
				2011
				2010
				2010

_____, ____ de _____ de _____.

Sinatura do/ a Secretario/a,

Selo da Federación Galega,

00oo00

ANEXO V (Continuación)

OUTROS MÉRITOS

**CALQUERA OUTRA CIRCUNSTANCIA DEPORTIVA, REFERENCIAS DESTACABLES DO
HISTORIAL OU ESPECIAIS MÉRITOS QUE CONSIDERE O SOLICITANTE QUE DEBEN TERSE
EN CONSIDERACIÓN E QUE
NON SE RECOLLERAN ANTERIORMENTE NO ANEXO**

Acta da Xunta de Goberno correspondente ó día 15 de novembro de 2013

NOTA: O solicitante poderá incorporar toda aquela documentación que enriqueza o seu expediente, tales como recortes de prensa, dossier persoal, páxinas web, fotos, etcétera.

Ourense, ____ de _____ de ____.

Sinatura do/ a solicitante ou representante

00oo00

ANEXO VI

DON/ DONA	DNI
EN NOME PROPIO OU EN REPRESENTACIÓN DE	
ACHÉGOLLE A DOCUMENTACIÓN SOLICITADA PARA UNIR AO EXPEDIENTE DE SOLICITUDE DE SUBVENCIÓN PARA:	

Ourense, ____ de _____ de ____.

Sinatura,

Acta da Xunta de Goberno correspondente ó día 15 de novembro de 2013
--

3.- APROBACIÓN DE MODIFICACIÓN DA FINALIDADE E DA REDUCIÓN DO IMPORTE DA SUBVENCIÓN CONCEDIDA POLA XUNTA DE GOBERNO, CON DATA 6 DE SETEMBRO DE 2013, AO CONCELLO DE RIÓS PARA AS OBRAS DE RENOVACIÓN DA ILUMINACIÓN PÚBLICA NA VEIGA DO SEIXO.-

Primeiro.- Mediante acordo da Xunta de Goberno, con data 6 de setembro de 2013, concedéuselle ao Concello de Riós unha subvención por importe de 23.000,00 euros, para as obras de renovación da iluminación pública na Veiga do Seixo.

Segundo.- No Pleno, con data 27 de setembro de 2013, acordouse aprobar o expediente nº 4/2013, de modificación das bases de execución do orzamento, con cargo á aplicación orzamentaria 450.12/762.01, baseándose na solicitude presentada polo Concello de Riós, con data 27 de maio de 2013, para as obras de renovación da iluminación pública na Veiga do Seixo, distribuíndose a subvención concedida en dúas actuacións diferenciadas:

- Mellora da iluminación pública na Veiga do Seixo e San Pedro de Pousada, por un importe de 8.683,31 euros.
- Iluminación pública da Veiga do Seixo, por un importe de 14.316,67 euros.

Terceiro.- Con data 8 de novembro de 2013, o alcalde do mencionado concello comunica unha redución no investimento do proxecto de “Mellora da iluminación pública en San Pedro de Pousada e na Veiga do Seixo”, por un importe de 177,76 euros.

Por todo o exposto anteriormente, e de conformidade coa proposta favorable da Presidencia, a **Xunta de Goberno**, por unanimidade, **acorda** aprobar a modificación da finalidade e importe da subvención concedida ao Concello de Riós, con data 6 de setembro de 2013, para as obras de renovación da iluminación pública na Veiga do Seixo, nos seguintes termos:

- Importe total: 22.822,22 euros.
- Obxecto e contía subvencionada por proxecto:
 - * Mellora da iluminación pública na Veiga do Seixo e San Pedro de Pousada, por un importe de 8.505,55 euros
 - * Iluminación pública da Veiga do Seixo, por un importe de 14.316,67 euros.
- Xustificación: a subvención xustificárase mediante a presentación de conta xustificativa simplificada, de xeito individualizado para cada un dos proxectos obxecto de concesión, todo isto de conformidade co que dispoñen os artigos 30 e 31 da Lei xeral de subvencións e

Acta da Xunta de Goberno correspondente ó día 15 de novembro de 2013

os artigos 73 e 75 do Regulamento da antedita lei, á que se lle unirán as facturas orixinais ou os correspondentes documentos de valor probatorio equivalente, debidamente aprobados polo órgano correspondente.

Unha vez seladas, as facturas orixinais seranlle devoltas ao beneficiario da subvención concedida.

- Prazo xustificación: ata o 20 de decembro de 2013.

4.- APROBACIÓN DE SUBVENCIÓN Ó CONCELLO DE MELÓN.- No Pleno de data 26 de abril de 2013 acordouse aprobar o expediente nº 1/2013 de modificación das bases de execución do orzamento, que afecta ó apartado B) da Base 87ª, no que se refire á especificación dos capítulos IV e VII de gastos, engadindo para a súa concesión directa, de acordo co artigo 22.2a) da Lei 38/2003, xeral de subvencións, unha subvención de 41.600,00 euros a favor do Concello de Melón, para equipamento do ximnasio, con cargo á aplicación orzamentaria 450.12/762.01.

Unha vez vista a solicitude formulada pola alcaldesa do mencionado concello, comprobado polo Negociado de Subvencións Directas da Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta favorable da Presidencia, a **Xunta de Goberno**, por unanimidade, **acorda** aprobar unha subvención ó Concello de Melón, nos seguintes termos:

-Importe: 41.600,00 €.

-Obxecto: equipamento do ximnasio.

-Xustificación: a subvención xustificarse mediante a presentación de conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e os artigos 73 e 75 do Regulamento da antedita lei, á que se lle unirán as facturas orixinais ou os correspondentes documentos de valor probatorio equivalente, debidamente aprobados polo órgano correspondente.

Unha vez seladas, as facturas orixinais seranlle devoltas ó beneficiario da subvención concedida.

-Prazo xustificación: ata o 20 de decembro de 2013

5.- APROBACIÓN DE SUBVENCIÓN Ó CONCELLO DE OÍMBRA.- No Pleno de data 27 de setembro de 2013 acordouse aprobar o expediente nº 4/2013 de modificación das

Acta da Xunta de Goberno correspondente ó día 15 de novembro de 2013

bases de execución do orzamento, que afecta ó apartado B) da Base 87ª, no que se refire á especificación dos capítulos IV e VII de gastos, engadindo para a súa concesión directa, de acordo co artigo 22.2a) da Lei 38/2003, xeral de subvencións, unha subvención de 22.535,00 euros a favor do Concello de Oímbra, para a construción de bancadas no pavillón de deportes de Oímbra, con cargo á aplicación orzamentaria 341.11/762.00.

Unha vez vista a solicitude de subvención por importe de 22.532,23 euros formulada polo alcalde do mencionado concello, comprobado polo Negociado de Subvencións Directas da Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta favorable da Presidencia, a **Xunta de Goberno**, por unanimidade, **acorda** aprobar unha subvención ó Concello de Oímbra, nos seguintes termos:

-Importe: 22.532,23 €.

-Obxecto: a construción de bancadas no pavillón de deportes de Oímbra.

-Xustificación: a subvención xustificárase mediante a presentación de conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e os artigos 73 e 75 do Regulamento da antedita lei, á que se lle unirán as facturas orixinais ou os correspondentes documentos de valor probatorio equivalente, debidamente aprobados polo órgano correspondente.

Unha vez seladas, as facturas orixinais seranlle devoltas ó beneficiario da subvención concedida.

-Prazo xustificación: ata o 31 de marzo de 2014

6.- ASUNTOS DE URXENCIA.- Trala ratificación previa da urxencia do asunto por non figurar incluído na orde do día, adoptouse o seguinte acordo:

7.- COMUNICACIÓNS DA PRESIDENCIA.- Non houbo.

8.- ROGOS E PREGUNTAS.- Non se formularon.

E, ás trece horas e trinta minutos, do referenciado día quince de novembro do ano dous mil trece, a Presidencia dá por rematada a sesión da Xunta de Goberno, e redáctase a presente acta, que se asinará segundo o legalmente establecido.

O PRESIDENTE,

O SECRETARIO,